



Diocese of St Asaph Church Schools

Medi 12^{fed}, 2017

Mr Garem Jackson
Swyddfa'r Cyngor
Caernarfon
LL55 1SH

Annwyl Mr Jackson

Diolch am y ddogfen rhagymgynghorol. Mae Cyngor Gwynedd wedi rhoi ystyriaeth ofalus i ddyfodol addysg yn Y Bala a Phenllyn. Rydyn ni'n gwerthfawrogi'r angen am yr ail ymgynghoriad hwn wedi penderfyniad y cabinet i ailystyried dyfodol darpariaeth addysgol yn Y Bala a Phenllyn.

Mae'r ddogfen ymgynghorol yn ailadrodd sefyllfa bresennol holl ysgolion yr ardal a'n cred gadarn ni ydy mai'r plant ydy calon unrhyw ysgol, a'u hanghenion nhw ydy'r ystyriaeth bwysicaf un. Buon ninnau'n ystyried yn ofalus cynnwys y ddogfen wnaethoch chi'i danfon.

Mae Esgobaeth Llanelwy yn ymddiriedolwr i Ysgol Beuno Sant, ond mae cyfrifoldeb dyddiol cynnal yr ysgol yn nwylo'r Llywodraethwyr. Nododd Llywodraethwyr y tair ysgol eu hymateb yn gynharach eleni i'r ymgynghoriad anffurfiol, hynny ydy, eu bod yn dymuno cefnogi cynnig newydd a fyddai'n gweld adeiladu campws cymunedol yn Y Bala.

Fe fyddai hynny'n golygu diwedd ar unrhyw ddarpariaeth Ysgol Eglwys yn Y Bala a does dim darpariaeth arall tebyg o fewn pellter rhesymol i ddisgyblion ei mynychu. Tra byddai'r Esgobaeth yn ei chael hi'n anodd cefnogi unrhyw gais a fyddai'n symud dewis rhieni o ysgol gyda neu heb gymeriad crefyddol iddi; mae'r llywodraethwyr sefydledig sydd â chyfrifoldeb corfforaethol am yr ysgol wedi nodi eu cefnogaeth i gynnig o'r fath.

Ein gobaith o'r cychwyn cyntaf oedd y byddai'r ysgol newydd yn rhoi'r cyfleoedd a'r profiadau gorau un i blant Y Bala a Phenllyn. Bu llawer o ddadlau a thrafod ynglŷn â'r ysgol newydd a sut fath o ysgol y byddai hi; ein gweledigaeth ninnau oedd am addysg wedi'i gwreiddio yn niwylliant ac iaith Cymru, ynghyd â'r dreftadaeth sy'n seiliedig ar werthoedd Cristnogol.

Fodd bynnag, er gwaethaf bwriadau gorau swyddogion cabinet Cyngor Gwynedd a'r Esgobaeth fel partneriaid yn y prosiect hwn, dydy hi ddim wedi bod yn bosib perswadio Cyrff Llywodraethol y tair ysgol i gefnogi ein cynnig. Gan nad ydyn ninnau'n gynigwyr, rydyn ni

Swyddfeydd yr Esgobaeth, Stryd Fawr, Llanelwy, Sir Ddinbych LL17 0RD
Diocesan Offices, High Street, St Asaph, Denbighshire LL17 0RD
☎ 01745 532593 📠 01745 530078 ✉ rosalindwilliams@churchinwales.org.uk
www.dioceseofstasaph.org.uk

Mae Esgobaeth Llanelwy yn croesawu gohebiaeth yn y Gymraeg neu'r Saesneg
The Diocese of St Asaph welcomes correspondence in Welsh or English

wedi'n gadael heb fawr o opsiynau o ran cefnogi a diogelu'r prosiect yma. Os awn rhagddo yn ôl bwriad ein cynllun, fe fyddwn yn bwrw iddi heb gefnogaeth y Cyrff Llywodraethol, opsiwn na fyddai'n gwneud daioni i sefydlogrwydd ysgol newydd. Mae'r Esgobaeth yn cydnabod y gallai gweithredu'r cynigion brofi'n afresymol o anodd ac mae'n rhaid i'r awdurdod bellach ddechrau ar ymgynghoriad statudol newydd. Mae'r cwestiwn yr ariannu hefyd yn codi'i ben. Cymeradwywyd hyn ar gyfer ysgol Eglwys newydd. Fasn ni ddim yn dymuno gweld y prosiect yn colli'r buddsoddiad angenrheidiol hwn mewn ysgol newydd.

Anghenion disgyblion presennol a'r rhai sydd i ddod yn y dyfodol sy'n flaenoriaeth i ni; dymuniad Esgobaeth Llanelwy ydy cefnogi ffordd ymlaen sy'n diogelu'r buddsoddiad o £10miliwn ac sy'n rhoi rhwydd hynt i'r ysgol gael ei hagar cyn gynted ag sy bosib er mwyn i blant Y Bala, Penllyn a'r gymuned ehangach allu elwa arni.

Buon ni'n trafod y mater am yn hir gyda swyddogion Cyngor Gwynedd, aelodau etholedig lleol a Chadeiryddion y Llywodraethwyr ac rydyn ni i gyd yn cytuno y dylen ni weithio gyda'n gilydd i ddod â'r mater hwn i derfyn boddhaol.

Er mwyn galluogi hyn i ddigwydd, fe wnaiff yr Esgobaeth, mewn partneriaeth â Chyngor Gwynedd, gytuno â chais y Cyrff Llywodraethol a'r gymuned ehangach ynghylch statws y campws dysgu 3-19 newydd. Fe fydd hyn yn caniatáu cynnal ymgynghoriad newydd, ond ar yr un pryd yn gadael i'r gwaith adeiladu fynd rhagddo'n ddirwystr, gan ddiogelu'r buddsoddiad yn Y Bala a Phenllyn.

Ein dymuniad ydy gweithio gyda'r holl rhanddeiliaid i greu ysgol sy'n rhoi'r cyfleoedd gorau posib i bob plentyn ddysgu a chyflawni eu llawn botensial.

Yn gywir



Rosalind Williams
Cyfarwyddwr Addysg a Dysgu Gydol Oes